

Ar Filouter Fin

Me ho suppli Kompagnunez didostaït aman da glevet
eur sonn nevez divertissant nevez komposet.
A zo gred da eun den iaouank, eur filouter fin
mar gententit ar fars brezant a raï dec'h c'houarzin.

Skouis e voa er ger re vagat, mer a hini zo
man deus laket en he spered mond da redet bro.
en Kastell hag en Montroulez, e treger eo bed
E Dinam ag er San-Malou, ag e Sant Briek.

Dre oll eo bed e klasq fortun e poursuiet e chans
arc'hant a voa ed gantan ebars en abundans
ahano e deuet da Naonet diskenet da Roazon
Allaz neuze eo bed manket e bourvizion.

Kaout c'hoas an affronteuri da c'houlén loja
ebars en eun hostaliri ne voa diner gantan.
Veza me voa eun den brao gwisket en ti zeo entreet
Debonjour va hostis emezan a me a ve lojet

Koannia fell din em plijadur en ti man fenoz
hag ive eur bane dissourci em repos.
— ia emezi va mignon azeet en tall an tan
Dallet eur bane da eva e depord o koan.

Servichet e voue va mignon deus a peb seurt mad
A zezire oll e galon an traou delikat.
Roed e voa dezan gwin bourdel ag ive gwin Spagn
litur deus an excellanta, oll da mab ar c'hagn.

Pan devoa debred ag evet c'hoariet e doll
Dar plach en deveus lavaret dichervija n'doll
— Kass a halleze plad a boutaill ag ive gueren
a va c'hass me d'am c'hambr da gousket er goele kempen

An den iauank en he vele a voa chagrinet
 O chonjal en he beamant ne alle ket kousket
 A ben diou pe tei'r heur kent an de
~~er~~ sao monet er jardrin

Prompt enan e komancet evid toulla an douar
 Ag e vragou en deus laket en toul ze raktall.

Pan n'deus poulzet e vragou en douar e deu de vele
 An den man kousk dissouçi neuze e deport an de
 Antronoz vintin pa savas evid partial
 Pa ne kave ked e vragou e komanç da grial.

— Fors emezan va mignonet sikour me o ped
 na va arc'hant na va bragou oll e zint laëret.
 An hostis ag an ostizez oc'h an earc'h zo pignet
 Chomit en ho repos den iaoaunk petra zo c'hoarveet ?

evid bea kollet ho pragou an dra ze nem deo netra
 a rabad eo om dikrial ni a ia d'he baëa.
 — nen deo ket eb ken va bragou a ra am chagrinet
 Va oll arc'hant a voa henan me a zo revinet.

Beza voa henan en arc'hant ag en aour melen
 ar somm a tri-uguent pistoll a daou skoet oc'h-pen
 evidom-me a kavo testou a pa defote kant din
 Da laret ne voan ket divragou pa deus en ho ti.

evidom-me zo eun den onest mar deus er chontre
 na fell ket din o revina pell doc'h kement ze.
 Rentit din eur bragou mezer a tregont pistoll
 Me pardonno deoc'h an anter ne kollin ket oll.

An hostis ag an hostizez demeus a galon vad
 A gont dezan tregont pistoll tout en eur ialc'had
 hag ive eur bragou mezer doc'h a vezer soz
 eun(1) den man parti joaius neuze pa voa mad he dol.

a ben eun neubeud goude zaz an hostis da palad ar jardrin
 hag enon en deus kavet bragou ar pot fin
 hag en a komanç da grial, ia a boëz e ben
 Oman zo tro eur filouter, me zo eun azen.

Red e vezo avertissa an oll ostichen
Da viret na deufent da loja ar filouterien.

Moris Follezour, 20 mars 1851.

(1) Ms : eun ; lire : an.

Jannet ar morvan. Plac'h ar mesgouez

en neuz Komposet eur chanson da plac'h ar mesgouez
en deus gwerzet e chontel evit mond dar bardon
Da brena per ag avalou da potret e c'hanton.

Dalit tu potret yaouanq dalit kemerit per
ar potret à levere nen devoant ket afer

Ag i monet ahane ag en eur groc'hmoulad
a re man kouskoude mezi are man a voa per mad.

Ag i monet ahane da plac'h an avalou ruz
ar re man dianan emezi no c'heus ket da refuz

Tavit Janet ar Morvant tavit na welit ket
Dond a rei' Guillou ar Moal eur wech c'hoas d'o goelet

Na pa vezo en e kaera en devezo c'houec'h godel
Mar de red karga ar reze e ielo gwers ar gontel.

Anaïc Cozic, 9bre 1850.